

A Mangidaldalan cadacuada

- ❖ Dagitoy daguiti nacascasdaaw ken naidumduma nga aramidna iti San Marcos 8:22-26.
 - (1) Ti bulsek saan nga mamati ken Apo Jesus, daguiti gagayyemna ti mamati.
 - Adu cadaguiti tattao ti saan nga macasarak ken Apo Jesus malaksid nga adda daguiti mamati nga mangiyasideg cadakuada. Daytoy ti gandat tayo koma.
 - (2) Ni Apo Jesus inaramatna ti dua a pannasagid tapno naananay iti pannacaagasna.
 - No dadduma masapiltayo iti maicaddua nga pannacasagid ni Apo Jesus tapno laeng nalawag a makitatayo a nalawag daguiti naespiritoan nga kinapudno.

B Umawat Cadaguiti Amin

- ❖ Nupay casta, ni Apo Jesus ken kimmita iti labes cadaguiti capututan, cadcadawyan, katatao wenna relihion. Ammona unay nga adda daguiti tattao nga macasapul iti pannacaisalakan idiy Samaria, ti gandatna ket iyasidegna ida Kenkuana.
- ❖ No kitaentayo daguiti sabsabali a napacuyugan iti nadiosan a pannakipagrikna, amin nga nagsisinaantayo ket madupprac. Calpasanna awanen iti nagdudumaan, agsipudta makitatayo ida a cas pagilian agpaay iti nailangitan.
- ❖ Malabit saantayo nga awaten daguiti capanunutanda maipapan iti napolicaan, wenna pampammati, ngem cancanayon nga impaaytayo iti nadiosan nga ayat ken mangnanama cadaguiti pagimbaganda laeng.

C Makigayyem Cadakuada

- ❖ Calpasan nga nagpacada ni Apo Jesus cadaguiti disipulosna, dinawatna nga icasabada ti naimbag a damag cadaguiti amin a tattao: idiy Jerusalem, iti entero a Judea ken Samaria, agingga iti amin a sulit daga. "(Dagiti Aramid 1:8).
- ❖ Ni Apostol Andrew ket nangibati iti pagannurutan. Iti umuna imbagana iti cabsatna maipapan ken Apo Jesus. [Judea].
- ❖ Camauddiannanna, ginayyemna iti ubing [Samaria] nga nangaramidan ni Apo Jesus cadaguiti nacascasdaaw a banbanag. (San Juan 6:5-11).
- ❖ Calpasanna inbingayna ti naimbag a damag cadaguiti gangannaet [ti ungtu ti lubong], a cas cadaguiti Griego, tattao nga mangsapsapul ken Apo Jesus (San Juan 12:20-26).
- ❖ Macasursurotayo ken Andrew cadaguiti maiparbeng a pagannurutan nga mangiyasideg iti carcarrarua agpaay ken Apo Jesus: mangipasdec iti pannakipagricna cadaguiti sabsabali.

D Mangiparikna iti pannangipateg ken naidumduma

- ❖ Casona nga sinango ni Apo Jesus daguiti naricot a tattao?
 - Dinenggegna ida a nalaing ken siuulimec
 - Sinaludsudanna ida
 - Ininutna nga impakita iti kinapudno
 - Binigbigna iti tarigagay daguiti puspusuda
 - Nakitana daguiti pagbalinna ti cababalinda iti masangoanan numanpay saanda nga maicari iti agdama
 - Saanna nga inlacsid ida no di ket naibilangda nga umawat iti evangelio
 - Nakitana iti asping iti naglorian nga pannacaparsuada
 - Impangatona ti capanunutanda tapno maductalanda iti pagbalinnandanto
- ❖ Iti pannangkita iti sabsabali a cas pannangkita ni Apo Jesus ket mangiladawan nga imbilangna ida amin nga agpaay iti Nailangitan a Pagipagillian. Tapno agbalin a naballigi nga sacsi, masapul nga dawotentayo iti Espitu Santo iti daytoy a ganwat.

E Sisisiput nga Mangaramid iti Pagsayaatan iti Amin a Gundaway

- ❖ Kiaten ti capadasan ni Felipe ken ti Eunoco. Inturong ti Dios nga masaracanna iti tao nga agbasbasa iti paset ti casuratan. Daydiay nga lalaki nga agcasapulan ti mangipasagepsep ti kinapudno ti Surat tapno awatenna ni Apo Jesus a Mangisalakanna. Ni Apo Dios ket sidadaan nga mangluat iti gundaway tapno maiwaras tayo iti naimbag a damag.
- ❖ Adda dagiti saan nga makita nga angeles nga sigaganetget nga mangiturong cadatayo cadaguiti "silulukat a ruangan." Dawotentayo iti Dios nga maaddaantayo iti pannangilasina cadaguiti gundaway nga mabalinnantayo nga agsao cadaguiti napili a tiempo.